



Expediente IET: P-20-106  
Proxecto: Parque eólico Vacaloura  
Concello: Monterroso e Portomarín (Lugo)  
Promotor: Green Capital Power, S.L.

## INFORME DE IMPACTO E INTEGRACIÓN PAISAXÍSTICA

De acordo co artigo 37.1 da Lei 21/2013, do 9 de decembro, de avaliación ambiental, e co artigo 11.3 da Lei 7/2008, do 7 de xullo, de protección da paisaxe de Galicia, con data do 29/07/2022 o Servizo de Enerxía e Minas de Lugo somete a informe do Instituto de Estudos do Territorio (IET) documentación relativa ao proxecto de Parque eólico Vacaloura

### 1. Antecedentes:

Con data do 30/03/2020, 19/04/2022 e 06/09/2022 o IET emitiu informe sobre este proxecto, no marco do procedemento de avaliación de impacto ambiental ordinaria. No último informe faciáanse unha serie de consideracións sobre os posibles efectos das infraestruturas na paisaxe e indicábanse distintos criterios e recomendacións encamiñados a minimizar os impactos e acadar unha mellor integración paisaxística do proxecto.

### 2. Marco legal:

Consonte co artigo 15 da Lei 1/2021, do 8 de xaneiro, de ordenación do territorio de Galicia, e co artigo 28 do Decreto 244/2011, do 29 de decembro (modificado polo Decreto 42/2019, do 28 de marzo), o Instituto de Estudos do Territorio (IET) é o órgano competente para emitir este informe en materia de paisaxe, de acordo co que para tal efecto establecen os artigos 32 e 33 do Regulamento para o desenvolvemento da Lei 7/2008, do 7 de xullo, de protección da paisaxe de Galicia, aprobado polo Decreto 96/2020, do 29 de maio (RLPPG).

En desenvolvemento da Lei 7/2008 aprobáronse o Catálogo das paisaxes de Galicia (Decreto 119/2016, do 28 de xullo) e as Directrices de paisaxe de Galicia (Decreto 238/2020, do 29 de decembro).

De acordo co artigo 11.1 da Lei 7/2008, todos os proxectos que deban someterse a declaración de impacto ambiental deberán incorporar no estudo de impacto ambiental un estudo de impacto e integración paisaxística (EIIP), como documento específico no que se avaliarán os efectos e impactos que o proxecto poida provocar na paisaxe e as medidas de integración paisaxística propostas. O contido do EIIP debe axustarse ao disposto no artigo 11.2 da Lei 7/2008 e nos artigos 26 e seguintes do RLPPG.

### 3. Análise da documentación:

A documentación achegada consiste nun escrito de resposta (asinado 05/01/2023) ao informe do IET do 06/09/2022 así como un novo EIIP (xaneiro 2023 e asinado 11/01/2023), actualizado coa nova configuración do parque; inclúe os apéndices 01 *análise de visibilidade* e 02 *orçamento de medidas de integración paisaxística*, e un apéndice 03 con fotomontaxes.

O proxecto refírese á instalación do parque eólico Vacaloura, de 31,185 MW, composto por 7 aeroxeradores e a súa infraestrutura asociada (acondicionamento e nova construción de camiños de acceso e servizo, plataformas de montaxe, subestación, zonas de provisión e gabias para a rede eléctrica e torre meteorolóxica de ate 134m). Os aeroxeradores terán una



potencia nominal unitaria de 5MW, cunha altura de buxa de 90m (A04 e A05) e 127,5m (A01, A02, A03, A06 e A07) e cun diámetro de rotor de 145m.

Na nova documentación presentada mantense o número de aeroxeradores, desprazando o A04 dende a aliñación nordés do parque (eliminando polo tanto o seu camiño de acceso) cara a unha nova localización ao suroeste nas proximidades do A02. O trazado do Camiño de Santiago (Camiño Francés) discorre agora a 2,99 km ao nordés do grupo de aeroxeradores máis orientais. O aeroxerador A02, en resposta ao informe do IET, móvese cara ao sueste afastándose lixeiramente da AEIP Montes de Vacaloura. En relación aos demais aeroxeradores, persisten nas súas posicións anteriores.

O EIIP agora actualizado e completado ca xustificación da adecuación do proxecto ás Directrices da paisaxe de Galicia e as medidas de integración paisaxística e medidas compensatorias, pode considerarse completo consonte co disposto no artigo 27 do RLPPG. Respecto ao anteriormente informado, incorpora os cambios mencionados así como un novo cálculo de conchas visuais e medidas de integración paisaxística actualizadas ás novas condicións.

#### 4. Conclusión:

Coa nova documentación achegada pode considerarse que o EIIP axústase formalmente ao disposto no artigo 11.2 da Lei 7/2008 e nos artigos 26 e seguintes do RLPPG.

O proxecto provocará un impacto paisaxístico derivado da intrusión visual que producirán as infraestruturas do parque, principalmente os aeroxeradores, por situarse en posicións elevadas, dominantes no relevo (que lles confire unha alta visibilidade), e por tratarse de elementos alleos á paisaxe natural; todo o cal provocará unha perda da calidade estética e visual destes cumios. Estes impactos veranse incrementados pola sinerxía con outros parques eólicos que, segundo os datos do Rexistro eólico de Galicia, se atopan en tramitación ou en funcionamento nas proximidades. Aínda que non é viable ocultar ou apantallar os aeroxeradores desde a maioría dos puntos de observación (agás nos núcleos rurais e o Camiño de Santiago, mediante as medidas recollidas no EIIP), esta incidencia visual non supón (para os efectos do artigo 33.1.d) do RLPPG) un impacto crítico.

En canto ao deseño, planificación e execución das infraestruturas enerxéticas, estarase ao disposto nas recomendacións da directriz de paisaxe DX.19.b) e f). E en relación aos cursos de auga no interior do parque, deberán adoptarse as medidas preventivas necesarias para mitigar ou reducir o impacto da implantación do parque sobre o río da Carballeira e a súa área de vexetación ripícola, tal e como quedou recollido no informe anterior.

En todo caso, de acordo co artigo 30.3 do RLPPG, as medidas de integración paisaxística deberán quedar oportunamente recollidas no proxecto.

Non será necesario solicitar un novo informe do IET.

José Luís Álvarez Vicente  
Xefe do Servizo de Planificación da Paisaxe

José Antonio Serantes Barbeito  
Director do Departamento Técnico de Estudos

Visto e conforme, Enrique Luís de Salvador Sánchez  
Director do Instituto de Estudos do Territorio

(Na data da sinatura electrónica)

